




Republika e Kosovës
Republika Kosova
Republic of Kosovo



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 30.01.2026, ora 10:00

Në këtë mbledhje janë diskutuar këto pika:

1. Fjala hyrëse,
2. Miratimi i rendit të ditës,
3. Shqyrtimi i procesverbalit nga mbledhja e kaluara,
4. Propozim-vendim për Formimin e Këshillit Komunal për Siguri në Bashkësi (KKSB), Komuna Skenderaj, (Raporton Kryetari i komunës **z.Sami Lushtaku**).
5. Propozim-vendim për Formimin e komisionit përzgjedhës për drejtor dhe zëvendës drejtor, Komuna Skenderaj, (Raporton Drejtori i DKA-së, **z.Kastriot Duraku**).
6. Shqyrtimi i Raportit të Punës së ekzekutivit të komunës së Skenderajt, për vitin 2025, (Raporton Kryetari i komunës **z.Sami Lushtaku**).
7. Shqyrtimi i Raportit Financiar të buxhetit të komunës së Skenderajt, janar-dhjetor 2025, (Raporton Drejtori i DBF-së, **z.Behxhet Maliqi**).
8. Propozim-vendim për miratimin e Raportit Përfundimtar Nr.09-052/01-0052869/25, i datës 18.12.2025, i hartuar nga komisioni komunal, për vlerësimin e dëmeve të shkaktuara kryesisht nga zjarret, era, breshëri, ngricat dhe fatkeqësitë tjera, për muajin Korrik-Dhjetor 2025, (Raporton Drejtori i DSHP, **z.Arber Geci**).
9. Propozim-vendim për Rishqyrtimin e Vendimit Nr.01-020/01-0000460/26, i datës 05.01.2026, për Formimin e Komitetit për Politik e Financa (KPF), (Raporton Kryesuesja e kuvendit, **znj.Adelina Spahiu-Alija**).
10. Pikë shtesë propozim për rishqyrtimin e vendimit nr 01-463/04-00000466/26 i datës; 05.01.2026 për miratimin e listës së përgjithshme dhe të veçantë të pronave të paluajtshme të Komunës, që planifikohen për dhënie në shfrytëzim personave fizik / juridik për vitin 2026, raporton Kryetari i Komunës **z. Sami Lushtaku**.
11. Pyetjet e këshilltarëve nën piken të ndryshme.

Kryesuesja e kuvendit, Adelina Spahiu: I nderuar nënkryetar i komunës **z. Fadil Nura**, të nderuar anëtar të kuvendit, dhe gjithë ju të pranishëm, në sallë janë 27 anëtar, para vetes keni një propozim shtesë për rishqyrtimin e vendimit nr 01-463/04-00000466/26 i datës; 05.01.2026 për miratimin e listës së përgjithshme dhe të veçantë të pronave të paluajtshme të Komunës, që planifikohen për dhënie në shfrytëzim personave fizik / juridik për vitin 2026, kush është që kjo pike të hynë pike shtese, konstatojmë se me 23 vota për, asnjë kundër dhe 3 abstenime hynë në rend dite propozimi

për rishqyrtimin e vendimit nr 01-463/04-00000466/26 i datës; 05.01.2026 për miratimin e listës së përgjithshme dhe të veçantë të pronave të paluajtshme të Komunës, që planifikohen për dhënie në shfrytëzim personave fizik / juridik për vitin 2026, vazhdojmë me piken e radhës miratimi i rendit të ditës, e hap debatin, fjalën ja kaloj;

Hysni Mehani-LVV: Faleminderit Kryesues, përshëndetje për të gjithë, instituti Gap ka bërë një publikim e që Kryetari i Skenderajt nuk ka bërë asnjë premtim, propozoj si pike me pas një informate se çka synon zotëri Lushtaku në mandatin e tij qeverisëse me i pas do informata në këtë rast ka thënë se 24 ore është në dispozicion e që këto dite ishe vizit në Libi e me na tregu lidhur me atë vizit.

Kryesuesja; Atëherë shkojmë me votim për propozimin e Hysni Mehmet, Konstatojme se me 3 vota për, 22 kundër dhe 2 abstenime nuk kalon propozimi në fjale, vazhdojmë me miratimin e rendit të ditës, shkojmë me votim konstatojmë se me 22 vota për, 4 kundër dhe 1 abstenim miratohet rendit i ditës, vazhdojmë me piken e radhës, shqyrtimi i procesverbalit nga mbledhja e kaluar e hap debatin nuk ka për debat, shkojmë me votim, konstatojmë se me 27 vota për asnjë kundër dhe asnjë abstenim miratohet procesverbali nga mbledhja e kaluar, vazhdojmë me piken e radhës Propozim-vendim për Formimin e Këshillit Komunal për Siguri në Bashkësi (KKS), Komuna Skenderaj, për këtë pike raporton nënkryetari i komunës z. Fadil Nura.

Nënkryetari i komunës, Fadil Nura: Faleminderit Kryesues, përshëndetje për të gjithë ju të pranishmit, kam kënaqësi ta paraqes këtë propozim për formimin e këshillit për siguri në bashkësi, organ mjaftë i rëndësishëm, i shihni ankeret që duhet qene pjesë e këtij këshilli , te cilin komitet e udhëheqë Kryetari i Komunës, nuk po i lexoj akteret që te cilët i keni në propozim vendim, propozoj që ta përkrahni në mënyrë që ta funksionalizojme këtë këshill, faleminderit.

Kryesuesja: Faleminderit nënkryetar, e hape debatin për këtë pike të rendit të ditës, pasi nuk ka për debat, shkojmë me votim konstatojmë se me 22 për asnjë kundër dhe 4 abstenime miratohet Propozim-vendim për Formimin e Këshillit Komunal për Siguri në Bashkësi (KKS), Komuna Skenderaj, vazhdojmë me piken e radhës Propozim-vendim për Formimin e komisionit përzgjedhës për drejtor dhe zëvendës drejtor, Komuna Skenderaj, Raporton Drejtori i DKA-së, z.Kastriot Duraku.

Kastriot Duraku, DKA – Fjala përshëndetëse, para jush paraqes Propozim-vendim për Formimin e komisionit përzgjedhës për drejtor dhe zëvendës drejtor, ky propozim është i bazuar në legjislacionin, në këtë komision nga DKA propozojmë zyrtaren Shkendije Idrizi, nga këshilli i prindërve propozojmë Avdi Jakupin, si dhe një përfaqësues nga MASHTI, kërkoj nga ju ta përkrahni këtë propozim – vendim.

Kryesuesja; Faleminderit drejtor, e hap diskutimin për këtë propozim – vendim, pasi që nuk ka për diskutim, shkojmë në votim konstatojmë se me 22 vota për asnjë kundër dhe 4 abstenime, miratohet Propozim-vendim për Formimin e komisionit përzgjedhës për drejtor dhe zëvendës drejtor, Komuna Skenderaj, vazhdojmë me piken e radhës, Shqyrtimi i Raportit të Punës së ekzekutivit të komunës së Skenderajt, për vitin 2025.

Nënkryetari i komunës, Fadil Nura: Fjala përshëndetëse, para jush e keni raportin e punës së ekzekutivit për vitin 2025, është një raport që pasqyron punët dhe aktivitet e vitit 2025, neper të gjitha drejtorit i shihni punët që janë kryer neper drejtori, pavarësisht sfidave të buxhetit, që kemi pasur me kontrate kolektive na ka penalizuar në realizimin e disa projekteve, e dini se për punët e mira që janë bërë kemi fituar edhe grandin e performances, nuk po e zgjati unë me shume.

Kryesuesja: Faleminderit nënkryetar, e hap diskutimin.

Afrim Kabashi-NSD: Fjala përshëndetëse, urime për drejtoret e ri ju uroj suksese në mandatin tuaj, dhe uroj bashkëpunim, lidhur me raportin e kam lexuar që nga fillimi deri në fund e që do të

paraqes këtu, po filloj nga këshillat e fshatrave pse nuk janë formuar kur e dimë se mandatin e kaluar e kemi formuar një komision këtu ne kuvend për zgjedhjen e këshillave të fshatrave, pastaj te drejtoria e administratës në faqe 12 për sistemin Smaed për cilin sistem behet fjalë për çka përdoret, pastaj te drejtoria e urbanizmit janë të cekura disa pune të kryera si asfaltimi i rrugëve me sa e di unë në fshatin Polac asnjë rrugë nuk është asfaltuar në vitin 2025, pastaj te ndriçimi publik e ka cek se është realizuar, në Polac ka mbetur gjysë, a do të vazhdoj, si dhe për ujera të zeza a do të trajtohen për fshatin Polac, si dhe në bujqësi me precaktu kriteret për përfitues të grandeve .

Nënkryetari i komunës, Fadil Nura: Faleminderit për pyetjet, sa i përket këshillave të fshatrave, e dini se e kemi formuar komisionin këtu nga Kuvendi, mirëpo problemi është sepse nuk kemi buxhet me i përkrah këtu qëndron problemi, ky problem qëndron po thuajse në të gjitha Komunat, pa nda buxhet është problem me i funksionalizimi këta këshilla, sa përket sistemit Smaed është program që menagjon IT bashkë me ASHI, është sistem i administratës, sa i përket ndriçimit publik është projekt që është realizuar e do vazhdon edhe në vazhdim me u realizuar, ndërsa rreth pyetjes së kanalizimit në Polac i kemi zgjedh disa probleme në disa lagje në Polac e që do vazhdojmë edhe në ato lagje ku kemi mbetur gjysmë.

Behxhet Maliqi, DBF – Faleminderit Kryesuesë, përshëndetje për të gjithë urime për mandatin për të gjithë, të gjitha thirrjet në bujqësi janë dal me kriteret për secilën thirrje.

Floriana Halili, LVV- Faleminderit e nderuara Kryesuesë, përshëndetje për të gjithë, tek drejtoria e bujqësisë trajnime për fermer, kush i ka mbajtur këto trajnime, a i kanë ftuar të gjithë fermerët në këto trajnime, si dhe të mjetet bujqësore, sa i keni respektuar kriteret sepse kemi dëshmi se ka fermer që nuk ka as traktor e ka marr mjete bujqësore e ato mjete bujqësore e të cilat i kanë qit në shitje, si dhe disa përfitues të njëjtit përfitojnë edhe grande tjera, si dhe të subqendra në Runik e pasni bërë vazhdim, nuk e di se çfarë është bërë me atë subqender, te drejtoria e arsimit e keni cek se janë se 27 institucione janë pajisur me kamera, nëse mundesh me na tregu se gjatë këtij viti a jeni shku me i kontrollu sa kamera janë në funksion, a mundesh me na tregu sa ligjëratat janë mbajtur në shkollat tona, nga Policia si dhe a jeni në dijeni se në shkollat tona ka raste që përdoren narkotik.

Nezir Bejta, LVV- Përshëndetje për të gjithë me qene se vij nga fusha e arsimit, fokusi i imë është arsimit e pash në këtë raport tek drejtoria e arsimit furnizimi i shkollave me mjete të konkretizimit, është krejt në rregull por sjan të mjaftueshme ato mjete, e keni përmend kabinetin e fizikes kimisë e keni furnizuar me mjete konkretizuese, mirëpo më primare është diçka tjetër në ato kabinete nuk ka banka as karriga, te kabineti i kimisë nuk ka as tavolina pune, nuk ka as ujë për eksperimente, mungojnë substancat, dhe tjetër problem kabineti i biologjisë është bashkë me të kimisë ka acide atë që është rrezik, tjetër në shkollë nuk ka projektor janë vetëm tri tabele të mençura, qatë tri tabele lëvizin nga klasa në klase. Duhet të furnizohen klasat me projektor dhe tabelat të mençura, si dhe dukuri tjetër është regjistrimi i nxënësve pa kriteret mos e degradoni gjimnazin, po pranoni nxënësi si kanë përsëritur në teknik dhe profesionale, si dhe dukuri tjetër në klasë të 10 nuk janë të regjistruar nxënësit në ditar, edhe diçka tjetër Arton Dragaj vitin e kaluar e ka nxënë vendin e dytë në lenden e fizikes i keni premtuar shpërblimin sja keni jap, është fytyrë për ata nxënësi si i premtohen shpërblimi e nuk ja jepni, unë e kam një letër këtu shihen çmimet e premtuar e që nuk i keni realizuar, tjetër çështje fotokopjimi i testeve nga arsimtarët që ju duhet të shpenzohen jashtë shkollës me i fotokopju testet , pastaj tek parku Idriz Rreçit, nuk ka tabelë aj park, dhe të ndërtohet një buste të Idriz Rreçit,

Kastriot Duraku, DKA –Faleminderit kryesuesë u mundova të përmbledhi të gjitha pyetjet e marra, te kamerat në klasa i kemi të ndaluar me i vendos, vetëm jashtë i kemi vendos korridore, sa i përket ligjëratave i bëjnë policia me psikolog tone, ka tematike të ndryshme, rreth sigurisë e

tema tjera, çdo dy tre muaj i mbajnë, për përdorim të lendeve narkotike nuk kemi informacione se përdoret, janë policët neper shkollë, të profesorit Nezir, gjimnazin e kemi furnizuar me kabinete, banka karrige, tabele të mençura, projektor, laboratorin e kemi furnizuar, ka nevojë ende më të furnizuar, mirëpo kemi mundësi të buxhetit të dim kontratave kolektive na ka penalizuar, në gjimnaz janë 6 tabele të mençura, e kam prurë edhe trajnerin më të trajnuar për përdorim për tabele, të regjistrimit të klasave të 10 mundësia e normës së profesorëve na u duhet për shkak të mundësisë së nxënësve aplikuesve të marrim edhe me notën 4 sepse mbesin pa punë mësimdhënësit, për shpërblimet e nxënësve të kemi shpërblyer mirëpo me votën e vërtet për shkak të buxhetit, të fotokopjet e vërtete se kemi mundësi toneri sepse menagjohet nga AqP niveli qendror por presim që me kontratë të re të furnizohen se shpejti.

Nënkryetari i komunës, Fadil Nura – Faleminderit prof, ke kontribuar gjatë në arsim e njëh mire këtë fushë, mirëpo rreth çështjeve se mjetet konkretizuese duhet të kemi parasysh se nuk kemi buxhet sepse kontratave kolektive na ka penalizuar, ndërsa për parkun kemi investuar vetëm ka mbetur të vendoset busti i tij me bashkëluftëtar të vendoset aty, a për tabele kam menduar që është e vendosur tabela.

Behxhet Maliqi, DBF –Faleminderit Kryesues, faleminderit për pyetjet të gjitha thirrjet në bujqësi kanë qenë me kriteret e përcaktuara, tek grandet ka qenë kriteri traktori në të gjitha vizitat që janë bërë ka pasur traktor fermerët, komisioni i drejtorisë ka bërë punë të shkëlqyeshme, dhe të gjitha këto grandet kanë monitorim 3 vjeçar.

Nënkryetari i komunës, Fadil Nura – Për subqendren e Runikut ky projekt ka hyrë në rividim, ministria ka me realizuar pjesën e vetë të projektit.

Kastriot Duraku, DKA –Faleminderit Kryesues, tash me erdh informata, në Gjimnaz janë 6 tabele të mençura prej të cilave 2 janë dhënë KQZ për trajnime.

Nezir Bejta, LVV- Drejtor nuk është mirë më të justifikoj këto, në gjimnaz të ri kanë qenë 3 tabele të mençura, 2 janë të kabinetit të informatikës, ndërsa për Arifon Dragen nuk ka marr shpërblim mos të diskriminoni, veç nëse këtë vit ja jepni shpërblimin.

Kastriot Duraku, DKA –Pra po të tregoj se 4 tabele janë në gjimnaz e 2 ju kanë dhënë në shfrytëzim KQZ deri të kryejnë trajnimet, nëse done shkojmë të këqyrem bashkë e vërtetojmë këtë, për shpërblime të tregova edhe më herët, se shpërblimet të për vitin e kaluar këtë vit, prof merr informata me të sakta e pastaj fol, shkojmë bashkë e të shikojmë.

Floriana Halili, LVV- Faleminderit Kryesues, desha të ndërlidhem të drejtorja e bujqësisë ku të kemi identifikuar rreth 80 persona përfitues që nuk kanë traktor ata nuk merren hiq me bujqësi, këtë çështje mundën me se miri komisioni me të tregu, të drejtorja e arsimit a mundet të mbahen ligjëratat 1 herë në muajt dhe në cilat shkollë të mbani ligjëratat.

Rrezarta Hasani – Ibrahim, PDK- Faleminderit Kryesues, përshëndetje për të gjithë, unë kam vetëm në çështje të renovimit të AMF në Rezall, ajo AMF është rinovuar në vitin 2024 e jo në vitin 2025, pastaj janë të cekura 8 AMF funksionale e në të vërtete janë 4 AMF funksionale.

Hysni Mehani-LVV: Faleminderit, rreth këtij raporti kisha pasur dëshirë se secili drejtor me të pas 2 apo 3 të arritura në raport, që të ka realizuar secili drejtor, shembull të drejtorja e shëndetësisë e kisha falenderu drejtorin nëse e kish rregullu liftin në QKMF ku po maltretohen pacientet në mundësi të liftit, pastaj probleme të analizat një pjesë e analizave bëhen në QKMF e pjesa me të madhe e tyre në privat, kisha kërkuar me të shtu shërbimi të analizave në QKMF, pastaj në bujqësi kisha dashur që në grandet me të respektuar kriteret se të gjithë e dimë se si ndahen këto grandet, të shërbimet publike me të rregulluar parku Idriz Rreci, të administrata me qenë më hapur qasja qytetar zyrtar, muret aty mos me qenë me qenë qasja më e lirë me qytetar, pastaj të inspektoratit mos e të dënuar bizneset vetëm pse kanë bindje tjera politike.

Kastriot Duraku, DKA – Secila shkollë e ka buxhetin e saj, qe menaxhojnë vete me buxhet, ndërsa për gjera elementare të Shkollave, material shpenzues nuk ju mungojnë asnjë Shkolle këto.

Nënkryetari i komunës, Fadil Nura – Faleminderit Kryesues, për çështjen e listit në QKMF, është me se e nevojshme i kame inicu procedurat për pajisje me lift, mirëpo mungesë buxhetit, e se shpejti do ta rregullojmë atë çështje, për parkun Idriz Rreci është kryer shumica e punëve ka mbetur vetëm edhe busti, për reforma në administratë, nuk nënkupton reforme vetëm muret me i largu, mirëpo me se e nevojshme kishte me qene hartimi i një statuti të Komunës i cili ka mbetur i vjetër, e qe do ta rregullonte mire çështjen e shërbimeve dhe do ti përcaktonte detyrat dhe shërbimet e secilit sektor e drejtori.

Hysni Mehani-LVV: Nuk e thashë në atë kuptim murin neper drejtori, mirëpo qasjen në shërbime si dhe është e nevojshme me u definu secila drejtori punët dhe detyrat e tyre.

Kryesuesja: Pasi qe nuk ka tjerë për diskutim, shkojmë në votim, konstatojmë se me 23 vota për, 3 kundër dhe 1 abstenim, përkrahet raporti i Punës së ekzekutivit të komunës së Skenderajt, për vitin 2025, vazhdojmë me piken e radhës Shqyrtimi i Raportit Financiar të buxhetit të komunës së Skenderajt, janar-dhjetor 2025, raporton drejtori i DBF.

Behxhet Maliqi, DBF – Faleminderit Kryesues, ju kërkoj falje qe na është deshtë me sjell një raport tjetër me disa ndryshime të vogla, për shkake të një gabimi teknik qe ka rrjedh nga sistemi, ky raport përfshin shpenzimet dhe realizimet e buxhetit për periudhën janar – dhjetor 2025, i bazuar në ligjet për financa dhe akte tjera nenligjore, në këtë raport i shihni rrjedhën e parasë realizimin e buxhetit neper drejtori, të ndar neper kategori ekonomike e drejtori, në tabelën e parë e shihni buxhetin fillestar prej 19,881,471.00€ si dhe buxhetin aktual final 20,856,499.07€ pasataj pjesë e tabelës se parë i shihni fondet burimore si granditë e përgjithshëm, të hyrat vetanake të hyrat e bartura huamarrje e jashtme i shihni buxhetin fillestar si dhe realizimin me përqindje, pastaj në tabelën numër 2 të hyrat vetanake neper drejtori gjatë periudhës janar – dhjetor 2025, e shihni planifikimin dhe realizimin e tyre, tabela nr 3 analitika e shpenzimeve buxhetore në nënkategori neper kode ekonomike qe i shihni në tabele, pastaj tabela 4 projektet kapitale buxhetin e planifikuar dhe realizimin e tyre, shihni në tabele si dhe tabelën e fundit me nr 5 shpenzimet sipas programeve paga dhe shtesa, mallra dhe shërbime, shërbime komunale si dhe subvencione dhe transfere, nuk po e zgjati me shume u mundova në pika të shkurtuara, nëse keni ndonjë pyetje jam i gatun për përgjigjeje, faleminderit.

Kryesuesja: Faleminderit drejtor, e hap diskutimin për këtë pikë të rendit të ditës, fjalën ja kaloj **Afrim Kabashi-NSD**: Faleminderit Kryesues, mire qe janë vërejtë këto gabime teknike në raport, sepse nuk na bëjnë nder askujt ato gabime, jam mundu me shiqu këtë raport financiar të buxhetit i vitit 2025, buxheti i miratun i komunës sonë për vitin 2025 është 19,881,471.00€, duke përfshi të hyrat vetanake në shume prej 1,709,466.00€, janë dy shuma të realizimi i të hyrave vetanake njëra 1,767,821.09€, cila është shuma e realizimit të të hyrave vetanake po du me dite, tash a janë realizu plani i planifikun a janë tejkalu realizimi i të hyrave, pastaj shpenzimet në paga 11,800,066.30€ tri here në tabele e ke përmend kategorinë e pagave e me vlera të ndryshme, pastaj vendimet gjyqësore, kanë paguar 1,589.12€, cilat vlera janë të sakta të këtyre vlerave të vendimeve gjyqësore në faqen 12, tek analitika e shpenzimeve buxhetore faqe 7 shërbime kontraktuese tjera çka keni pagua këtu, subvencione për entitetet jopublike dhe transfere për përfitues individual tjerë, çfarë pagesa janë këto faleminderit

Behxhet Maliqi, DBF – Faleminderit për pyetjet, realisht ju ke referu dy dokumenteve të ndryshëm e sqarova për dokumentin e parë dhe të fundit, nëse don sqarime ma të sakta ma në detaje të kisha jap sqarime me në detaje në drejtori, për paga ka ndodh rritje e pagave e ka dallim në vlerë në raport.

Floriana Halili, LVV- Faleminderit Kryesuese, drejtor tek mallrat dhe shërbimet tek pajisjet tjera e shohim se ne 2023 është shuma 24030€ ne vitin 2024 është shuma 6364€, ndërsa ne vitin 2025 është shuma 74,631€, pse është kjo diferencë kaq e madhe e vlerës neper vite, dhe çka përfshin këtu, dhe tu kisha lut hrave tjera raportin me cek edhe ma ne detaje se çka përfshin, tjetër kemi edhe te sigurimi i automjeteve kemi diferenc te vlerave neper vite, a mundeni me na tregu se çka përfshin sigurimi i automjeteve, faleminderit shume.

Behxhet Maliqi, DBF – Faleminderit për pyetjet sigurimi i automjeteve është sigurimi i auto përgjegjësisë, pajisjet tjera janë blere nga drejtoria e arsimit për kabinete te shkollave.

Kastriot Duraku, DKA – Faleminderit shume për pajisjet tjera janë blere tableta, laboratorë .

Hysni Mehani-LVV: Ne fakte unë nuk kam besu qe ky nuk është raporti i fundit i buxhetit, kame mëndu se ne marse vije raporti përfundimtar, a është kështu për ata nuk po du edhe me koment, ajo çka kisha dashtë drejtor se kur te vije raport ne mars me i pasur do sqarime shtese shembull tek investimet kapitale qe është ajo kryesorja qito si jan shpenzime te gjykatave shpenzime te vendimeve gjyqësore me u specifiku me mire, sepse këtu del se projekti është realizu qind per qind e ne realitet nuk është realizu fare sepse i është marre komplet buxheti dhe nuk del e sakte kjo ne raport nëse ska naj sqarim me detaj, pastaj e sheh si buxheti te ka shku 28% e e paraqet buxhetin te realizun atje 98% te lutna qita me na e sqaru.

Behxhet Maliqi, DBF –faleminderit kjo është kompetencë e thesarit se ku i merr mjetet, ata e zgjedhin se ku dojne me i marrin, ky raport është i bazun ne para te gaqme, ktu shihen ku jan marr mjetet ne cilat kategori, raporti paraqet përqindjen e realizimit te buxhetit.

Hysni Mehani-LVV: Ti shtohet edhe një kolon projekti i realizun 0 buxheti i shpenzun 100% edhe është e qarte se çfarë ka ndodh.

Behxhet Maliqi, DBF – Po për me pasur ma te qarte mundem me shtu edhe një kolon.

Nënkryetari i komunës, Fadil Nura – Po përpiqem një sqarim me japë pasi qe kemi përvojë edhe rreth kësaj çështje, kjo forme e raportimit financiar është forme zyrtare qe Ministria e financave kështu e pranon, për sqarime këtu mundeni me jap sqarime me ne detaje a Ministrisë i dërgohet forma standarte e raportimit.

Kryesuesja:Pasi qe nuk ka tjerë për diskutim, atëherë shkojmë ne votim, konstatojmë se me 17 vota për asnjë kundër dhe 5 abstenime përkrahet raporti financiar janar – dhjetor 2025, vazhdojmë me piken e radhës, Propozim-vendim për miratimin e Raportit Përfundimtar Nr.09-052/01-0052869/25, i datës 18.12.2025, i hartuar nga komisioni komunal, për vlerësimin e dëmeve te shkaktuara kryesisht nga zjarret, era, breshëri, ngricat dhe fatkeqësitë tjera, për muajin Korrik-Dhjetor 2025, raporton drejtori DSHP, Arber Geci

Arber Geci DSHP- Faleminderit Kryesuese, përshëndetje për te gjithë, fillimisht ju uroje mandatin te gjithëve, pasi qe jam ne fillim për mandatin e jomë duke i percjellur punët ne drejtori, po ja kaloj për prezantim te raportit Kryetarin e komisionit Faton Osmani.

Faton Osmani Kryetar i komisionit për dame- Faleminderit Kryesuese, përshëndetje për te gjithë, para jushe po paraqes raportin përfundimtar te nxjerr nga komisioni komunal për vlerësimin e dëmeve te dëmeve te shkaktuara nga fatkeqësitë natyrore te cekura ne raport për periudhën korrik dhjetor 2025, pas vlerësimit ne teren te gjithsej 24 raste 18 ne bujqësi dhe 6 ne ekonomi familjare, ne vlere totale 421,30.70€, nuk po e zgjati me shume e qe te gjitha i keni ne raport prej qe ta miratoni e ti përcjellim me tutje për AME, faleminderit.

Hysni Mehani-LVV: Faleminderit, ne parim jemi me përkrah çdo qytetare qe ka psu dame dhe nuk na ndan përgjegjësia me mbështet ata si kan pasuar dëme, mirëpo material ka pake shume sqarime pak, nuk ka detaje, shembull thatësia nuk e njohim cili është dëmi , kështu po na kërkon vote blanko me mirëbesim, pastaj fatkeqësi natyrore nuk mundemi me qujt kanalizimin, puna e

njeriut e shkakton, tu kisha lut me qene me sqaru, konkretisht qito vlerat e mëdha te thatësia çka është dëmi,

Faton Osmani Kryetar i komisionit për dame- Atëherë te vlerësimi te rastet e zjarrit është komisioni kompetent se e ka bere vlerësimin, te thatësia është inxhinieri i urbanizmit behet fjale për një shtëpi ne lagjen 3 qe është dotmtuar ne tërësi, qe i kemi dëshmitë për te.

Nënkryetari i komunës, Fadil Nura – U kyça për sqarime shtese është një raste shtëpia është dëmtuar, e prof. Idriz Ukes ka ardh te unë i kame thëne me bere kërkesë me vlersu komisioni, ka qene mire edhe e si Komune me pas fonde për këto raste.

Hysni Mehani-LVV: Nuk po kërkoj me shume vetëm sqarime te nevojshme.

Afrim Kabashi-NSD:- Faleminderit Kryesuese, e përkrahi çdo iniciative te mire, e dimë si ka pasur dëme nga fatkeqësitë natyrore.

Kryesuesja: Pasi qe nuk ka tjerë për diskutim, shkojmë me votim konstatojmë se me 23 vota per asnjë kundër dhe asnjë abstenim, miratohet Propozim-vendim për miratimin e Raportit Përfundimtar Nr.09-052/01-0052869/25, i datës 18.12.2025, i hartuar nga komisioni komunal, për vlerësimin e dëmeve te shkaktuara kryesisht nga zjarret, era, breshëri, ngricat dhe fatkeqësitë tjera, për muajin Korrik-Dhjetor 2025, vazhdojmë me piken e radhës Propozim-vendim për Rishqyrtimin e Vendimit Nr.01-020/01-0000460/26, i datës 05.01.2026, për Formimin e Komitetit për Politik e Financa (KPF), Raporton Kryesuesja e kuvendit, znj. Adelina Spahiu- Alija, propozohet qe anëtarja e 7 nga entiteti i pare politik te zëvendësohet me një anëtare te gjinisë femërore nga entiteti i dyte politik për te siguruar kështu përfaqësim te barabarte politik dhe gjinor ne përbërjen e komitetit për politik dhe financa, bazuar ne rekomandimin e Mapl, e hap diskutimin.

Alban Berisha, PDK – Përshëndetje për te gjithë, bazuar ne rekomandimin e MAPL grupi parlamentar i PDK, e tërheq nga përbërja e komitetit për politik dhe financa znj. Donika Mustafa ne mënyrë qe te vazhdojmë tutje, faleminderit.

Kryesuesja: Me qe është procedurë duhet ta hedhim ne votim tërheqjen e Donika Mustafa nga kpf, shkojmë ne votim, konstatojmë se me 19 vota për asnjë kundër dhe asnjë abstenim miratohet propozimi për largim nga kpf e Donika Mustafa, atëherë ne kuadër te obligimeve ligjore dhe bazuar ne rekomandimin e Mapl per riqyrtimin e vendimit te kpf, kërkoj nga subjekti i dyte ta propozoj nga gjinia femrore ne menyre qe te respektohet barazia gjinore, fjalën ja kaloj

Nezir Bejta, LVV- Nënkryetar po doni me na anashkalu ne si grup para nje muaji e keni formu komitetin qe eshte ne kundërshtim me ligjin dhe Mapl ja u ka kthi ne rishqyrtim jo veq Donika Mustafa po ju duhet me dhënë dorëheqje krejt, rishqyrtimi behet komplet, ky propozimi qe ka ardhur është ne kundërshtim me kundërshtimin e Mapl askund ne atë kundërshtim nuk thotë se subjekti i dyte duhet ta propozoj femër për komitet, ju pe shkelnj edhe udhëzimin administrativ edhe rekomandimin e MAPL, ne propozojm prape Hysni Mehani ju vazhdoni.

Nënkryetari i komunës, Fadil Nura – Faleminderit, prof. E para kjo nuk është kompetencë e imja por e kuvendit, ju e zgjedhni këtë çështje nuk i ndërhy kurrë kuvendit për këtë çështje.

Floriana Halili, LVV- Faleminderit Kryesuese, po besoj qe e dini se unë qe 4 vjet kame refuzu me qene pjese e kpf, domethënë prape e refuzoj, është detyre e juve mos me i pa grat vetëm kuot gjinore me i përfshi ne vendimmarrje, edhe ne ekzekutiv z. Nura vetëm dy drejtoresha.

Kryesuesja: Pasi qe nuk ka tjerë për diskutim shkojmë ne votim te propozimit nga Nezir Bejta për Hysni Mehani për komitet për politik dhe financa, konstatojmë se me 3 vota për 19 kundër dhe asnjë abstenim Hysni Mehani nuk merr vota te mjaftueshme për te qene pjese e komitetit për politik dhe financa, vazhdojmë me propozimin tjetër.

Alban Berisha, PDK – Faleminderit Kryesues, grupi parlamentar i PDK, gjithmonë ne rrethana te tilla është munduar te gjeje zgjidhje, për ta respektua e MAPL, për ta ruajtur kuotën gjinore dhe për ta funksionalizuar komitetit për politik dhe financa, propozoj kolegen Floriana Halili, **Kryesuesja:** Atëherë shkojmë ne votim te propozimit te grupin parlamentar te PDK, per Floriana Halili, konstatojmë se me 18 vota për 3 kundër dhe asnjë abstenim, Floriana Halili merr votat e mjaftueshme për te qene pjese e kpf, pasi qe është procedurë shkojmë ne votim te propozim vendimit për rishqyrtim te vendimit për formimin e komitetit për politik dhe financa, konstatojmë se me 18 vota për asnjë kundër dhe asnjë abstenim, miratohet propozim – vendimi për rishqyrtimin e vendimit për formimin e komitetit për politik dhe financa, vazhdojmë me piken e radhës propozim për rishqyrtimin e vendimit nr 01-463/04-00000466/26 i datës; 05.01.2026 për miratimin e listës se përgjithshme dhe te veçantë te pronave të paluajtshme të Komunës, qe planifikohen për dhënie ne shfrytëzim personave fizik / juridik për vitin 2026,raporton.

Nënkryetari i komunës, Fadil Nura –Faleminderit atëherë ky vendim është kthyer për definimin e periudhës se dhënies është rregulluar ma shume ka pas probleme teknike lista, është rregulluar duke u bazuar ne rekomandimet e MAPL, kërkoj qe ta përkrahni faleminderit.

Kryesuesja: Faleminderit nënkryetar, e hap diskutimin fjalën ja kaloj

Hysni Mehani-LVV: Mos i reaktivizoni gjerat, atëherë e kame thënë se duhet me percaktu kohen e dhënien ne shfrytëzim, nuk është çështje teknike është kruciale, supstanciale, kjo tregon mendsin politike qe keni.

Nënkryetari i komunës, Fadil Nura – Faleminderit shume, nuk ka relativizim, është fakte se e njëjta ministri vitin e kaluar e ka vlersu kështu, mirëpo na e respektojmë rekomandimin e MAPL, kështu shumicës se komunave ja u ka kthy për te njëjtën çështje.

Kryesuesja: Pasi qe nuk ka tjerë për diskutim shkojmë ne votim, konstatojmë se me 19 vota per 3 kundër dhe 2 abstenime miratohet propozim për rishqyrtimin e vendimit nr 01-463/04-00000466/26 i datës; 05.01.2026 për miratimin e listës se përgjithshme dhe te veçantë te pronave të paluajtshme të Komunës, qe planifikohen për dhënie ne shfrytëzim personave fizik / juridik për vitin 2026, pyetjet e këshilltareve i kalojmë për seancën e radhës, me qaq i mbylli seancën..

Procesmbajtësi



Kryesuesja e Kuvendit

